



UKA 2015/133

Michael Rosing

20/10 2015

**Aalisarnermik piniarnermillu inuussutissarsiutillit inuussutissarsiornerannik siuarsaanermut inatsisip (ESU) allanngortinneqarsinnaanera pillugu - taassumalu kingunissai pillugit - Naalakkersuisut misissuinissaannik Inatsisartut aalajangiiffigisassaattut siunnersuut, taamaalilluni siunissami inuussutissarsiutigalugu umiatsiaaqqap pissarsiarinerata nalingata 40%-ianik inuussutissarsiornermi siuarsaanissaq pillugu taarsigassarsiisoqarsinnaanngorlugu. Misissuinerup inernera kingusinnerpaamik aggstip aallaqqaataani 2016-imi Inatsisartunut agguanneqassaaq.**

(Inatsisartunut ilaasortaq Nikolaj Jeremiassen, Siumut)

(Siullermeenera)

Kalaallit Nunaanni sinerissamut qanittumi aalisakkanut ikittunnguanut aalisartut amerlavallaarput. Ilaatigut tamannarpiaq pissutaalluni aalisartut ilaat aningaasarsiornikkut ilungersunartorsiorput. Pissutsit taamaatsillugit Demokraatini isumarput naapertorlugu paasinanngilaq aalisartut aalisakkanik taakkunanngarpiaq qalluisussat amerlisarnissaat.

Imaattariaqaralarpoq aalisartut inuiaqatigiinnut aningaasalersueqataassasut, imaagani inuiaqatigiit aalisartut aningaasalersussagaat. Aalisartut aalisarnerminnut akissaqanngippata taava ajornartorsiutit iluarsisariaqarput aalisarnerup naleqqussarneratigut, inuiaqatigiinnut aalisartunullu ataasiakkaanut akilersinnaasunngorlugu.

Paarlattuanik Demokraatini kissaatigaarput inuussutissarsiutigalugu umiatsianut tapiisarneq piivinneqassasoq, aalisartut maannakkut akilersinnaasumik aalisartuarnissaat periarfissaqartikkumallugu.

Taamatut oqaaseqarluta siunnersuutip itigartinneqarnissaa inassutigaarput.